

人煙輳集去處原設申明亭一所往來老人在亭理事管轄後因塌毀不行脩理民有詞訟輒赴上司詐告行提剝官多是不應小事以致干連人衆赴官淹禁住復妨廢農業深爲不便如蒙乞

勅該部轉行本府縣照舊脩造前亭仍選年高有德衆所推服老人輪流在亭照依教民榜事理部斷民間一切不應小事庶無趣赴司陳告累難實爲民便益

前件合准申明

各衙門脩理校榜

一件碑蓋治體伸理民情等事弘治五年五月內

吏部聽選訓導司重顯章奏該刑部尚書彭等題

准通行順天應天并南北直隸及浙江等十三布政司各行府屬如有榜亭

坍塌或校榜毀字跡剝落者即便重新蓋立脩理如式

翻刊照舊懸掛令人看守毋得廢弛作踐違者一體治罪

賭博問擬輕重等第具

奏枷號發落例

成化四年二月初九日刑科左給事中毛弘等

題爲枷號囚人事該大理寺題內開刑部發審犯人郭猪兒等四十三

名各不合違例賭博俱犯杖罪節該奉

聖旨着錦衣衛都用一百五十斤枷號在各街市號令三箇月滿日來說欽此欽遵續該本寺題內開刑部發審犯人張福等三十七名亦不合違例賭博俱犯杖罪節該奉

聖旨着錦衣衛照例枷號欽此欽遵近該錦衣衛題開稱數內犯全海病故除會官相視外臣等切惟刑者所以維持治道防範奸頑聖人不得

已而用之但人命至重死者不可復生昔有一天受屈六月飛霜一婦含冤三年不雨關係匪輕不可不慎故書曰欽哉欽哉惟刑之恤哉又曰與其殺不辜寧失不經此古先帝王未嘗不拳拳於慎刑也今法官所問因犯律該凌遲處死斬絞等罪雖決不待時朝廷必待霜降後命多官會審如果情真罪方纔行刑若稍可矜疑即行寬貸以此每年全活甚多此我朝欽恤之意亦可謂至矣臣等看得前項枷號罪犯不畏

朝廷榜文禁約仍復恣肆賭博論罪雖輕原情可恕但見枷號并未審者幾及人其中情法亦有輕重果係兇惡怙終之徒致之死地不足深恤緣禁約榜文張貼未久恐有愚昧小民一時誤犯者不可不辯若欲驟從寬處治恐法令不信於下必長奸頑通行枷號三月恐各犯多致於死深可矜憫如蒙乞

勅法司并錦衣衛堂上官將各犯取回逐一審問仍着落巡城御史及五城兵馬司通拘各犯四鄰并各該總小甲從公審勘各犯平昔行止明白

欽奉事理枷號滿日奏

開報分爲三等如果自來不務生理專一沿街賭博酌酒行強撒潑或誑騙竊盜財物或因不孝曾經法司問斷者及開張賭坊之令爲等照依

請發落平昔不係兇惡撒潑之徒是與人賭博其見賭錢物內有銀兩衣服者定爲三等奏請從寬區處或平昔止將銅錢玩弄賭酒食或年自十六歲以下者或偶在傍看

耍一時牽連在內及在外軍匠人等初至京師被人誘引偶犯在內者定爲三等依律議擬照依法司見行事例發落其審勘官員并總甲人等有聽人囑託詢私作弊致情有失實者事發一體治以重罪如此則輕重有別刑罰適中且足以革

皇上欽恤之至仁庶不感傷

天地之和氣失臣等因未道途衆論及聞係人命重事故不敢緘默伏乞聖明區處成化四年二月初九日該刑科官於

奉天門奏奉



聖旨這斯晦改違榜例又行賭博不必審問只枷號一箇月滿日照例發落以後再有賭博的法司問擬輕重等第明白來說該衙門知道欽此

賭博輕重不必請

旨例

成化四年二月九日大理寺為不應事據左寺案呈該刑部廣東清吏司節次發審犯人馬玉等各犯該違

制杖罪審擬合律該本司官

具題次日節該奉

聖旨今後賭博輕的照例發落不必請旨欽此欽遵外合仰右寺抄案轉行刑部都察院問刑衙門欽此施行賭博行查平昔有無非為情重問擬枷號奏

請及禁無引客商宿娼年盜賊四鄰不首官強盜准首免追却分贓物

件強盜事成化十年五月內刑科給事中郭鍾奏該都察院等衙門石副都御史等官李 等題

准京城遊手之徒違例賭博年無引客商宿娼無藉非為俱就等送法司究問情輕者照依常例發落如係自來不務生理專一賭博酗酒撒潑誑騙竊盜不孝不第曾經法司問斷及開張賭坊情重者仍擬枷號一月奏

請定奪其強盜若將自己及同類打劫情由首告者免罪所分贓物照例不追數內若有殺傷者同伴不知情亦准首免鄰里富家知情隱匿不首被盜四鄰不行聲叫救護及地方應捕官兵人等故縱不行挨拏俱依律問罪其南京守備內外等官在外備行巡撫巡按等官一體嚴加禁約挨拏施行

京城內外官民之家不許容留不務生理之人并禁約開張印子鋪面賭坊例